

Etty Toppenberg a haya reconocimiento pa a canta e Himno di Aruba na 1986

Prome minister a haci entrega di esaki

STA CRUZ – Den e apertura di archivo nacional dia 16 Maart a tuma lugar un sorpesa pa sr. Etti Toppenberg, caminda a el'a ser sorprendi pa Prome Minister Nelson Oduber cu a haci un entrega di un plakaat di gradicimento pa ta e persona cu a canta e Himno di Aruba dia 31 di Januari 1986.

Aki nos a hiba un entrevista cu sr. Toppenberg cu a duna Solo di Pueblo di conoce cu el'a kere cu nan no lo bay corda ya cu ta 20 aña pasa esaki a pasa. Aki sr.

Toppenberg a duna di conoce e ta hopi contento ya cu esaki ta mustra cu Aruba ta un isla hopi dushi y tambe cu con bay bin e ta amigo di tur hende riba e isla aki. Tambe sr. Toppenberg a duna di conoce cu esaki ta algo hopi special y cu e la haya sigur un bon lugar den su cas y tambe den su curazon. Riba e potret por mira momento cu Prome Minister Oduber ta haci entrega na sr. Toppenberg y por mira e famia tambe presente riba un dia asina especial.

